

To'on yó'o kían mií noó ni taa San Pablo ni sa'an noó na ñoo Tsalónica

Ká'an Pablo ndisá'án

¹ Yu'u kúu Pablo, ta yu'u xí'ín Silvano xí'ín Timoteo ká'an ndu ndisá'án xí'ín ndo'ó, na kúu kuendá Jesús ndéi ñoo ká'ano Tsalónica xaan, ndo'ó na ndíta xí'ín tatá yo Ndios, xí'ín de'e na Jesucristo, na kúu sato'o yo.

Ta mií tatá yo Ndios xí'ín sato'o yo Jesucristo ná kee ña maní xí'ín ndó, ta naki'o ná ña koo va'a ini ndo.

Ná'a na ñoo Tsalónica ña ndíta ndaa na xí'ín Ndios

² Daá kuití vá náki'o ndu'u ndivé'e noo Ndios sa'a ndidaá ndo'ó, ta daá kuití vá ndíko'on ini ndu ndo'ó noó ká'an ndu xí'ín ná, ³ ta daá kuití ñó'o ini ndu noó ká'an ndu xí'ín Ndios, na kúu tatá yo, sa'á ña va'a kée ndó sa'á ña kándéé ini ndo ná, xí'ín sa'a choon kée ndó sa'á ña kú'u ini ndo sa'a dao ka na, xí'ín sa'á ña ndíta ndaa ndo xí'ín tandéé ini kómí ndó sa'a Jesucristo, na kúu sato'o yo.

⁴ Ná'á ndu'u, ñani, ndo'ó na kú'u ini Ndios sa'a, ña mií ná ni kaxi ñaá kakuu ndó ñayuu na. ⁵ Sa'á ñoo tá ni daná'a ndu to'on va'a sa'a Jesús noo ndo, o duú xí'ín to'on oon ni ni daná'a ndu, dá chi ni kechóon ndu ndée Ndios, ta mií Espíritu i Ndios kúu na ni xi'o ña ni kandaa tá'í ini ndo ña kían to'on ndaa. Ta ná'á va'a mií ndó ña va'a va ni sa

kee ndu'u tá n̄i s̄a ndei ndu x̄í'ín ndó sa'á ñ̄a kú'u iní ndu sa'a ndo. ⁶ Ta kúú n̄i kasandaá ndo kée ndó tát'o'on kée mií ndú, ta n̄i kasandaá ta'ani ndó kée ndó tát'o'on s̄a kee sato'o yo Jesús. Ta va'ará n̄i ndo'o naní n̄io ndo, tído n̄i n̄atiin ndó to'on va'a sa'a ná x̄í'an kádiij iní ndo n̄i kee Espíritu ij Ndios. ⁷ Ta k̄i'o dión n̄i ndo'o ndó, dá n̄i kasandaá ndo kúú ndó ñ̄ayuu ná'a mií noo ndidaá n̄a kándisa Jesús ndéi chí kuendá Macedonia x̄í'ín kuendá Acaya. ⁸ Chi x̄í'ín ndo'ó n̄i n̄aka'ani to'on va'a sa'a sato'o yo Jesús. Ta o duú iin tó'ón ní Macedonia x̄í'ín Acaya ní náka'ani to'on ñ̄oó n̄i kee ndo'ó, dá chí s̄a ndidaá kúú vá x̄ián ná'a ñ̄ayuu ñ̄a kándéé iní ndo Ndios. Sa'á ñ̄oó k̄o x̄ínñó'ó k̄a ñ̄a kasto'on ndu x̄í'ín ná. ⁹ Chi di'a nákani va mií ná x̄í'ín ndu'u tát'o'on k̄i'o n̄i n̄atiin ndó ndu'u, ta nákani ta'ani na tát'o'on n̄i kee ndó n̄i d̄ankoo ndó ndidaá kúú yoko n̄i s̄a ndaño'o ndó, dá n̄i kasá'á ndaño'o ndó n̄a kúú Ndios takí, n̄a mií'an ndaa kuití kúú Ndios, ta kéchóon ndó noo ná viti. ¹⁰ Ta nákani ta'ani na x̄í'ín ndu'u ñ̄a ndáti ndó nandió k̄o tuku Jesús, n̄a kúú de'e Ndios, kii na chí induú, ta Jesús yó'o kúú n̄a n̄i n̄ataki tein n̄a n̄i x̄i'j, ta n̄a yó'o kúú n̄a dáka'ki ñ̄aá noó ñ̄a x̄ido ini Ndios vej sata ñ̄ayuu kée kuachi.

2

K̄i'o di'a n̄i kéchóon Pablo ñ̄oo Tesalónica

¹ Ta s̄a ná'á ndó, ñ̄ani, ñ̄a k̄o ní naá óon ta'on choon n̄i sāa ndu n̄i kee ndu noo ndéi ndó. ² Dá chí ná'á ndó ñ̄a n̄i ka'an ndava'a ñ̄ayuu ndéi ñ̄oo Filipos x̄í'ín ndu'u, ta n̄i kendava'a na x̄í'ín ndú. Tído mií Ndios kúú n̄a n̄i x̄i'o t̄andeé iní noo ndú'u, sa'á ñ̄oó k̄o ní yu'ú ta'on ndu sāa ndu kasto'on ndu

xí'ín ndó sa'á to'on va'a ña ká'an sa'a Jesús, va'ará ni ndo'o nda'o níò ndú ni kee dao na ñoo ndo. ³ Ta ko ní dána'a ndu ña to'ón noo ndo, ta ko ní dána'a ndu noo ndo xí'ín ñaxintóni káni, ta ko ní ndúkú ndú ña dándá'í ndu ndo'ó. ⁴ Mií vá Ndios kúú na ni nata'an ini ni xini na ndu'u, ta ni xi'o na choon noo ndú ña dána'a ndu noo ndo sa'á to'on va'a ña ká'an sa'a Jesús. Ta ko ndúkú ta'on ndu'u ña kían nata'an ini ñayuu sa'á ña kée ndu. Di'a ndúkú ndu'u ña nata'an ini Ndios, na ná'á tát'o'on nákani ini níò iin rá iin yó. ⁵ Ta ná'á ndó ña ni iin kuú ta'ón ko ní kéchóon ndu'u to'on luu ká'an, dá dána'a ndu noo ndo. Ta ko ní ndúkú ta'on ndu ña k'i'o ndó di'ón noo ndú. Ta mií Ndios kúú na xí'o kuendá ña k'i'o dión kían. ⁶ Ta ni ko ndúkú ndu'u ña kían chindaya'i ñaá ñayuu, ni ña chindaya'i ñaá ndo'ó, ta ni dao ka na, va'ará kánian koo ñaño'ó ndó noo ndú'u sa'á ña kúú ndú apóstol, na né'e to'on Cristo Jesús. ⁷ Ni sa io leé ini ndu xí'ín ndó, chi sa kee ndu xí'ín ndó tát'o'on kée iin ñá'a ndaá va'a de'án. ⁸ Ta ndó'o nda'o ndu'u sa'a ndo. Ta o duú to'on va'a Ndios oon ni ní chíkáa ini ndu k'i'o ndu noo ndo daá ñóó, chi ni sa io nduu ta'ani ndu naki'o ndu mií ndú kuu ndu sa'a ndo, chi ni kuká'ano nda'o ña kú'u ini ndu sa'a ndo. ⁹ Sa ná'á vá mií ndó, ñani, tát'o'on k'i'o ni ndo'o ndu ni sa kechóon ndu. Nduú ñoo sa kechóon ndu'u, dá ná dá'a ni dáta'án ndu ni iin ndo'ó xían nani ni daná'a ndu to'on va'a Ndios noo ndo.

¹⁰ Mií ndó xí'o ndaa kuendá xí'ín Ndios ña vii ni sa ndei ndu, ta ni kenda ndu xí'ín ndó, ta ni iin ña'a ko ní ya'a ndu kee ndu tá ni sa ndei ndu xí'ín ndo'ó, na kúú kuendá Jesús. ¹¹ Ta ná'á ta'ani mií ndó ña tát'o'on kée iin tatá xí'ín de'e na, k'i'o dión sa ká'an ni'ini ndu noo iin rá iin ndó, ta sa xi'o ndu'u

t̄andeé iní noo ndo, ¹² ta sa sa'anda ndu choon noo ndo ña kee ndó t̄ato'on ki'o k̄anian kee na kúu ñayuu Ndios, ch̄i n̄i nakana ñaá ná ña kandeĩ ndó noo ndato náye'e ndaa noo ió na d̄ándaki na.

¹³ Sa'á ñoo k̄o sá tuu ta'on ndu náki'o ndu'u ndivé'e noo Ndios, ch̄i tá n̄i daná'a ndu to'on Ndios noo ndo, kúu ndato n̄i nat̄iin ndóan tá n̄i seídó'o ndóan. Ta k̄o ní nat̄iin ndóan k̄ían to'on n̄i kana tein ñaxintóni taa. Di'a n̄i nat̄iin ndóan ña miian ndaa ndisa k̄ían to'on Ndios, tá'an ña ch̄indeé ndo'ó ndíta ndaa ndo x̄í'ín ña k̄ándisa ndó. ¹⁴ Ta ndo'ó, ñani, n̄i ndo'o ta'ani ndó t̄andó'ó t̄ato'on ki'o n̄i ndo'o na kúu ñayuu Ndios kúu kuendá Cristo Jesús ndéi chí kuendá Judea di'a. Ch̄i n̄i kendava'a ta'ani na ñoo mií ndó x̄í'ín ndó t̄ato'on ki'o sa kendava'a ta ñoo Israel x̄í'ín mií ná. ¹⁵ Ta n̄i sa'ání ta ñoo Israel yó'o sato'o yo Jesús t̄ato'on ki'o n̄i sa'ání rá profeta mií rá n̄i sa ndei sa na'á. Ta n̄i taó xóo ra ndu'u tein mií rá, ta k̄o náta'an ini Ndios xiní ñaá ná, ta xiní u'u ra ndidaá ñayuu, ¹⁶ ch̄i sadí ra noo ndú, dá ná dá'a n̄i dána'a ndu noo na k̄o kúu na Israel, dá ná o ní'i ná ña k̄aki na noo kuachi na. Dión kée ra, sa'á ñoo n̄i ndukua'a cháa ka kuachi ra noo Ndios, ta n̄i kasáa ña x̄ido nda'o ini na sata rá sa'á ña kini kée ra.

Kóni Pablo ko'on tuku na koto ni'ini ñaá ná

¹⁷ Ñani, tá n̄i ya'a cháa kuu n̄i kexoo ndu'u tein ndó, kúu sa n̄i kasá'á vá nda'í ká'an ndu'u nandió kuéi ndu kande'é ndú ndo'ó, dá ch̄i va'ará ndéi xoo ndu, tído daá kuití vá ñó'o ini ndu sa'a ndo. ¹⁸ Sa'á ñoo n̄i ka'án ndú saá ndu kande'é ndú ndo'ó. Ta yu'u Pablo, kuá'a nda'o ta'ándá n̄i ka'ín saai noo ndéi ndó, tído n̄i ketéin ña u'u noo ndú. ¹⁹ Dá ch̄i zá k̄o ná'á ndó ndá yoo kakuu t̄andeé iní noo

ndú, ta ndá yoo k̄i'o ña kadij ini ndu, ta ndá yoo kakuu corona ndu, na ka'an va'a ndu sa'a? ¿Á ko ná'á ta'on ndó ña ñaá kakuu ndo'ó tá ná kasandaá kuu nandió koo tuku Jesucristo, na kúú sato'o yo, kasaa na? ²⁰ Ch̄i sa'a ndo'ó natiin ndu ñaño'ó xí'an kadij ini ndu.

3

Ni sa'an Timoteo ñoo Tesalónica ni x̄ito ni'ini ñaá x̄i

¹ Ta sa'á ña ko x̄i'o ndeé ka ini ndu ña ná kani ini ndu sa'a ndo, sa'á ñoó ni kandoo ndu ña k̄ian kandoo ndu ñoo Atenas, ² dá ni tanda'á ndú ñani ndu Timoteo kosaa x̄i noo ndéi ndó, ch̄i kéchóon xi noo Ndios, ta kéchóon dáó ta'ani xi x̄i'ín ndú noo x̄ionoo ndu dána'a ndu to'on va'a sa'a Jesús. Dá ná chindeé x̄i ndo'ó kandita toon cháá ka ndo x̄i'ín ña ndaa kándisa yó, ta ná k̄i'o ta'ani xi tandeé ini noo ndo, ³ dá k̄ian ná dá'a ni kexoo ni iin ndó noo ña kándisa ndó kée tandó'ó ndo'ó ndó, ch̄i sa ná'á v̄a mií ndó ña kánian kando'o yó tandó'ó. ⁴ Ch̄i tá ni sa ndei ndu x̄i'ín ndo'ó, dá ni kasto'on ndu ña kendava'a ñayuu x̄i'ín yó sa'á ña kúú yó kuendá Jesús, ta ná'á va'a mií ndó ña k̄i'o dión ndo'ó yó viti. ⁵ Ta sa'á ña ko ní x̄i'o ndeé ka ini ña ná kani ini sa'a ndo, sa'á ñoó ni tanda'í Timoteo kosaa x̄i noo ndéi ndó, dá kandaá ini nde'á á ndíta ndaa īi ndo x̄i'ín ña kándéé ini ndo Jesús. Dá ch̄i ni yu'í ña oon ni ví ni kexíxi ña u'u x̄i'ín ndó, ta ni kandeéán ni danda'ávian ndo'ó, ta ni naá óon choon ni kee ndu ni daná'a ndu noo ndo.

⁶ Tído sa ni nandió koo va Timoteo ni ndusáa x̄i noo ndéi ndu. Ta va'a ká'an x̄i sa'a ndo, ña ndíta ndaa īi va ndó x̄i'ín ña kándéé ini ndo Jesús. Ta kú'u

ini sa'a sá'tá'an ij va ndó. Ta kaá ta'ani xi ña daá vá ñó'o va ini ndo sa'a ndú sa'á ña kóni ndo ndú, ta kóni kúj ndo koni tuku ndó ndu'u, táto'on kú'o kóni ta'ani ndu'u koni ndu ndo'ó.

⁷ Ñani, ndó'o ndu tandó'ó noo ndéi ndu yó'o, ta nda'í kúu ini ndu, tído ni ndundeé ini ndu tá ni kandaá ini ndu ña ndíta ndaa ndo'ó xí'ín ña kándéé ini ndo Jesús. ⁸ Ta kúu ni ñani'ij ini ndu, xiní ndu, tá ni kandaá ini ndu ña ndíta toon ndó xí'ín sato'o yo Jesús. ⁹ ¿Ndí kuú ví ndivé'e naki'o ndu'u noo Ndios sa'a ndo? Chij kádij nda'o ini ndu'u noo Ndios kée ndó, ¹⁰ ta nduú ñoo xí'ka ndu'u noo ná ña ná konó ná saa ndu kande'é ndú ndo'ó, dá dáxinkoo ndu ña kómani kandaá ini ndo, dá kua'ano cháá ka ndo xí'ín ña kándéé ini ndo Jesús.

¹¹ Ta kóni ndu'u ña mií tatá yo Ndios xí'ín sato'o yo Jesucristo ná konó ná íchi saa ndu noo ndéi ndó. ¹² Ta na kúu sato'o yo ná chindeé ná ndo'ó, dá ná kua'ano cháá ka ña kú'u sá'tá'an ini ndo sa'a ndo xí'ín sa'a ndidaá ka ñayuu táto'on kú'o kée ndu'u kú'u ini ndu sa'a ndo, ¹³ ta ná kú'o na ña kandita toon ndó, dá ná koo vii ndo noo Ndios, na kúu tatá yo, tá ná kasandaá kuú nandió koo mií Jesucristo, na kúu sato'o yo, xí'ín ndidaá ñayuu na. Díón ná koo.

4

Ki'o di'a kánian kee yó, dá nata'an ini Ndios koni na yó

¹ Ta viti, ñani, seí nda'í ndu noo ndo, ta ká'an ni'ini ndu noo ndo sa'á ña kúu yó kuendá sato'o yo Jesús. Chij sa ni daná'a ndu noo ndo ndí kían kánian kee ndó, dá nata'an ini Ndios koni ñaá ná.

Ta ki'o dión kée ndó viti, tído koo ini ndo katj'a cháá ka ndo kee ndóan. ² Chi sa ná'á vá ndó ndá choon nj sa'anda ndu noo ndo kee ndó, chi noo sato'o yo Jesús nj nj'i ndu'u choon yó'o.

³ Chi ña kónj Ndios kían koo vii ndo noo ná. Sa'á ñóo o sa koo ini ndo dáyako ndo mií ndó xí'ín kuachi xí'ín na ko kúú ñadi'í ndo o yíi ndo. ⁴ Di'a koo ini iin rá iin ndó katj'a ndó koo vii ndo xí'ín na kúú ñadi'í mií ndó, ta koo ñañó'ó ndó noo ná. ⁵ Ta o sa kátóo ndo kee ndó ña ka'an noo tátó'on ki'o kée ñayuu ko ná'á Ndios. ⁶ Ta ni iin tó'ón ndó o sa koo ini koni xíxi ñani ndo kuendá Jesús xí'ín ña kini yó'o, chi ka'í nda'o dándó'o Ndios níó ndo sa'á kuachi yó'o tátó'on sa nj kastó'on ndu xí'ín ndó, ta nj xj'o ndu kuendá noo ndo. ⁷ Chi ko ní kána ta'on Ndios yó ña kían kandeí yó kee yó ña kini kónj ñij yo. Di'a nj kana na yó ña koo vii yo noo ná. ⁸ Sa'á ñóo ndi ndáa mií vá ndó kénóo to'on dána'a ndu yó'o, kana'á ndó ña ko kénóo ta'on ndó ni iin taa ñayuu yó'o. Di'a mií vá Ndios, na nj xj'o Espíritu ij ná noo yo, noón kúú na kénóo ndó.

⁹ Ko káni kaan ña taa ndu'u ña ku'u sátá'an ini ndo sa'a ndo, dá chi sa nj daná'a va mií Ndios noo ndo ña ku'u ini sa'a sátá'an ndó. ¹⁰ Ta dión ta'ani kée ndó xí'ín ndidaá ka na kúú kuendá Jesús, na ndéi chí kuendá Macedonia di'a. Tído seí nda'í ndu noo ndo, ñani, ña ká'ano cháá ka ná kakuu ña kú'u ini ndo sa'a ná. ¹¹ Ta koo ini ndo koo va'a ini ndo xí'ín ndidaá ñayuu. Ta ndj'i ini ndo noo choon kée mií ndó, o sa chírneé ndó mií ndó noo dao ka ña'a. Ta ndj'i ini ndo kechóon ndó, dá nj'i ndo ña'a kasá'an ndó, tátó'on nj sa'anda ndu choon noo ndo. ¹² Dá kían ná koo ñañó'ó ñayuu ko ná'á Ndios noo ndo, ta ni iin ña'a ná o kámani noo ndo.

Di'a koo, dá nandió koo tuku Jesús kii na ñayuu yó'o

¹³ Ta viti kóni ndu'u ña kana'á ndó, ñani, sa'a ndi kían ndo'o ñayuu ni xi'i, dá ná o kúnda'í ini ndo sa'a ná tát'on k'i'o ndó'o na koó tandéé ini noo. ¹⁴ Chi kándisa yó ña ni xi'i Jesús, ta ni natakí na. Ta k'i'o dión ta'ani dákí'in tá'an Ndios na kúu kuendá Jesús ni xi'i xí'in mií Jesús.

¹⁵ Ta viti ko'on ndu kasto'on ndu xí'in ndó to'on ni ka'an mií sato'o yo Jesús, chi ni kaa na ña yóo, na ndéi takí i i tá ná nandió koo mií Jesús kii na ñayuu yó'o, o kuió noo ta'on yó ko'on yo noo na sa ni xi'i ko'o naki'in tá'an yó xí'in Jesús. ¹⁶ Chi dinñó'ó ta'anda choon chí induú, dá táí kayu'ú iin arcángel, ta táí ka'an trompeta Ndios, dá ví noo sato'o yo Jesús nda induú kii na. Ta kúu dinñó'ó ka natakí na sa ni xi'i kúu kuendá Jesús. ¹⁷ Tá ni ndi'i, ndidaá yóo, na ndéi takí i i noñó'o yó'o, naditá Ndios ko'on dáó yó xí'in na ni natakí ñoó noo viko kaa naki'in tá'an yó xí'in sato'o yo Jesús noo tachí. Ta dión kandeí kuií yo xí'in ná. ¹⁸ Sa'á ñoó k'i'o ndó tandéé ini noo iin rá iin ndó xí'in to'on yó'o.

5

Ná kandeí nduu yo, chi ko ná'a yó ndá oon nandió koo Jesús

¹ Ta sa'a ndá oon koo dión xí'in ndi kooan, ko káni kaan taai ña sa noo ndo, ñani, ² dá chi sa ná'a va'a mií ndó ña iin ndakána va kasandaá kuu nandió koo sato'o yo, tát'on k'i'o kée iin ta kui'íná tá vei ra sakuaá ki'in kuí'íná ñaá rá. ³ Mií kuu ka'an ñayuu di'a: “Va'a nda'o ndéi yó, koó ka va tandó'ó noo yo viti”, kaa na, ta kúu iin ndakána va tiin ñaá

tandó'ó kini ñoó, tátò'on iin ndakána kásá'á káki de'e na ñá'a. Ta ni iin tó'ón ná o káki noó tandó'ó yó'o.

⁴Tído ndo'ó, ñani, sa ná'á ndó tátò'on kị'o koo, chị kọ iin naá kạ noo ndo sa'á ña yó'o. Sa'á ñoó o t́in ndakána kuu yó'o ndo'ó tátò'on kị'o t́in ndakána iin ta kuí'íná ñayuu ki'in kuí'íná rá. ⁵Chị sa ndidaá kúú vá ndo'ó kúú na tóon noo, chị sa nị ñatoon noo ndo. Ta kọ iin naá kạ noo yo, chị kọ kúú kạ yo kuendá noo iin naá. ⁶Sa'á ñoó ná o sa kúdi yo tátò'on kị'o kée ñayuu kọ ná'á Ndios. Di'a ná kandeí nduu yo, ta ná kaño'o ini yo. ⁷Dá chị na kídị, sakuáá kídị na, ta na xí'i, sakuáá xí'i na. ⁸Tído yóó kúú na sa tóon noo, sa'á ñoó ná kaño'o ini yo. Ná koo ini yo ña kandeé ini yo Jesús, ta ná ku'u ini yo sa'a dao kạ ñayuu. Ta ña yó'o ná kakuu tátò'on iin kạ kanda'a yikạ yo. Ta tandeé ini kómí yó ña miían ndaá kuití káki yó noó kuachi yo ná kakuu tátò'on iin kạ kanóo dinị yo. ⁹Chị kọ ní kaxi Ndios yó, dá kuido ini na koni na yó. Di'a nị kaxi na yó, dá ni'ị yo ña káki yó noó kuachi yo sa'á ña nị kee Jesucristo, na kúú sato'o yo, ¹⁰na nị xi'ị sa'a yo, dá kían, va'ará nị xi'ị yo o takí yo, tído kandeí dáo yó xí'ín ná. ¹¹Sa'á ñoó kị'o tá'an ndó tandeé ini yó'o noo iin rá iin ndó, ta dakuá'ano tá'an ndó xí'ín to'on Ndios tátò'on kị'o kée ndó ndéi ndó.

Ká'an ni'ini Pablo noó na kúú kuendá Jesús

¹²Ta seí nda'í ndu noo ndo, ñani, ña koo ini ndo koo ñaño'ó ndó noó na kéchóon noo ndo, chị nị xị'o sato'o yo Jesús choon noo ná ña kuita na noo ndo, ta ka'an ni'ini na noo ndo. ¹³Sa'á ñoó koo ñaño'ó ndó noo ná, ta ku'u nda'o ini ndo sa'a ná

sa'a choon kée na noo ndo. Ta ná koo ini ndo kandeí va'a ndó xí'in iin rá iin ndó.

14 Ta seí nda'í ta'ani ndu noo ndo ña koo ini ndo dánani ndó na dusá, na ko kóni kechóon. Ta k'i'o ndó tandeé iní noó na ni ndiko, ta chindeé ndó na vitá ini. Ta kueé koo ini ndo xí'in ndidaá kúu ñayuu. 15 Ta o sa koo ini ndo nandió né'e ndó ña kini kée dao ka ñayuu xí'in ndó. Di'a ndi'i ini ndo kee ndó ña va'a xí'in iin rá iin ndó. Ta dión ta'ani kee ndó xí'in ndidaá ka ni ñayuu.

16 Ta daá kuití ná koo dii iní ndo. 17 Ta o sa kátuu ndó ña ká'an ndo xí'in Ndios. 18 Ta naki'o ndó ndivé'e noo ná sa'a ndidaá ña ndó'o ndó, chi k'i'o dión kóni mií Ndios kee yó sa'a ña kúu yó kuendá Cristo Jesús.

19 O sa kadí ndo noó ña kóni Espíritu ij Ndios kee na. 20 O sa kú'ichi ini ndo kueídó'o ndó to'on ni xi'o mií Ndios noó ñayuu dána'a noo ndo. 21 Korndodó va'a ndó ndidaá kúu ña dána'a na, dá naki'in va'a ndó ña kían va'a. 22 Ta taó xóo ndó mií ndó noó ndidaá ña kini.

23 Ta mií Ndios, na xí'o ña koo va'a ini yo, ná kevii ní ná ndo'ó, ta ná taxí vii ná iin ní kúu ndó, espíritu ndo, xí'in ní ndo, xí'in yikí koño ndo, dá kían ná koo vii ndo tá ná kasandaá kuu nandió koo tuku Jesucristo, na kúu sato'o yo, kasaa na. 24 Dá chi iin na ndaa kúu Ndios, na ni kana ndo'ó xoo mií ná, ta noón kúu na kee ña yó'o xí'in ndó.

Xí'in ndisá'an yó'o dándi'i Pablo ña ká'an na

25 Ñani, kaka ndo ña maní noo Ndios sa'a ndú'u.

26 Ta chitó tá'an ndó noo ndo, ta ña yó'o ná kakuu iin ñaño'ó ka'an tá'an ndó ndisá'an xí'in na kúu ñani ndo.

²⁷ Ta sa'ándái choon noo ndo xí'ín choon n̄i x̄i'o Ndios nooí ñ̄a ka'i ndó tuti yó'o noo ndidaá ka na kúú ñ̄ayuu Ndios.

²⁸ Ná koo ñ̄a man̄i x̄i'o sato'o yo Jesucristo xí'ín iin rá iin ndó. Díón ná koo.

**Tuti yó'o kúú to'on Ndios, ta xí'o ña kuendá
sa'a Jesús
New Testament in Mixtec, Tezoatlán (MX:mx:Mixtec,
Tezoatlán)**

copyright © 2006 Wycliffe Bible Translators, Inc.

Language: Mixtec, Tezoatlán

Translation by: Wycliffe Bible Translators, Inc.

Mixteco, Tezoatlán [mx], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Tezoatlán

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

b81ac6b3-0ad5-5336-8d42-4c2703b04e9f